



---

Број: 05/8-50-14-485-8/16

Сарајево, 10.5.2016.

## Z A P I S N I K

### **8. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 6.4.2016., od 12 do 14 sati**

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija) sazvala je predsjedavajuća Komisije Aleksandra Pandurević.

Sjednici su prisustvovali sljedeći članovi Komisije: Aleksandra Pandurević, Bariša Čolak, Anes Ličina, Darko Babalj, Halid Genjac, Borjana Krišto, Ivanka Marković i Hanka Vajzović.

Sjednici su prisustvovali službenici Sekretarijata Parlamentarne skupštine Bosne i Hercegovine (PSBiH):

- Ljerka Bojić, rukovoditeljica Sektora za druga parlamentarna tijela PSBiH,
- Jovica Katić, sekretar Komisije,
- Ivana Lovrić, stručna savjetnica u Sektoru za druga parlamentarna tijela PSBiH, i
- Aleksandra Zirojević, administrativno-tehnička saradnica u Sektoru za druga parlamentarna tijela PSBiH.

Kako nije vođena rasprava o prijedlogu dnevnog reda, konstatirano je da 8. sjednica Komisije ima sljedeći

## DNEVNI RED

- 1. Verifikacija Zapisnika 7. sjednice Komisije;**
- 2. Razmatranje prijava prispjelih na Javni konkurs za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije;**
- 3. Dogovor o daljnjim aktivnostima u vezi s provođenjem konkursne procedure za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije;**
- 4. Tekuća pitanja.**

## **Ad.1. Verifikacija Zapisnika 7. sjednice Komisije**

O Prijedlogu zapisnika 7. sjednice nije bilo rasprave.

*Komisija je jednoglasno usvojila Zapisnik 7. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije.*

## **Ad.2. Razmatranje prijava prispjelih na Javni konkurs za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije**

*Aleksandra Pandurević*, predsjedavajuća Komisije, konstatirala je da su na javni konkurs za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije dostavljene 24 prijave.

Komisija je konstatirala da su sve prijave koje su dostavljene na ovaj javni konkurs pristigle blagovremeno.

S ciljem efikasnijeg rada po pristiglim prijavama, predsjedavajuća Komisije predložila je da se članovi Komisije i prisutno administrativno osoblje podijeli u četiri grupe, te da svaka od grupa ostvari uvid u po šest pristiglih koverti i u njihovim sadržajima konstatira da li je sva dokumentacija dostavljena na konkurs potpuna i blagovremena.

U vezi s tim, uvid u pristigle kovertе od rednog broja 1. do broja 6. ostvarili su predsjedavajuća Komisije Aleksandra Pandurević, članica Komisije Borjana Krišto i sekretar Komisije Jovica Katić.

Uvid u pristigle kovertе od rednog broja 7. do rednog broja 12. ostvarili su prvi zamjenik predsjedavajuće Bariša Čolak, član Komisije Halid Genjac i rukovoditeljica Sektora za druga parlamentarna tijela PSBiH Ljerka Bojić.

Uvid u pristigle kovertе od rednog broja 13. do rednog broja 18. ostvarili su drugi zamjenik predsjedavajuće Anes Ličina, članica Komisije Ivanka Marković i stručna savjetnica u Sektoru za druga parlamentarna tijela PSBiH Ivana Lovrić.

Uvid u pristigle kovertе od rednog broja 19. do rednog broja 24. ostvarili su članovi Komisije Hanka Vajzović i Darko Babalj, te administrativno-tehnička saradnica u Sektoru za druga parlamentarna tijela PSBiH Aleksandra Zirojević.

Nakon okončanog razmatranja prijava pristiglih na Javni konkurs za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije, Komisija je konstatirala da se, od ukupno 24 osobe, šest kandidata prijavilo za poziciju direktora Agencije za prevenciju korupcije i koordinaciju borbe protiv korupcije, šest za poziciju zamjenika direktora, dok je 12 kandidata podnijelo prijavu na obje pozicije raspisane Javnim konkursom.

Za poziciju direktora Agencije za prevenciju korupcije i koordinaciju borbe protiv korupcije kandidirali su se:

1. Izet Nizam
2. Muamer Kalić
3. Munib Isaković
4. Hasim Šabotić
5. Muhamed Mujakić
6. Samir Rizvo

Za poziciju zamjenika direktora Agencije za prevenciju korupcije i koordinaciju borbe protiv korupcije blagovremene prijave podnijeli su kandidati:

1. Elvira Husić-Jusić
2. Dražen Zupanc
3. Željka Marković-Sekulić
4. Dragan Anđelić
5. Marko Dominković
6. Mate Miletić

Dvanaest kandidata koji su se, u skladu sa uslovima Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije, prijavila na obje pozicije predviđene Javnim konkursom su:

1. Dragan Slipac
2. Sreto Pekić
3. Miroslav Škorić
4. Sead Lisak
5. Senad Kajdić
6. Miše Čavar
7. Remzija Kadrić
8. Jasna Ibrišimović
9. Elvedin Jusufbašić
10. Svevlad Hoffmann
11. Aleksandar Faladžić
12. Jasna Agić

Uvidom u dostavljenu dokumentaciju Komisija je konstatala da kandidatkinja Elvira Husić-Jusić nije dostavila urednu prijavu u skladu sa uslovima utvrđenim Javnim konkursom. Naime, kako je konstatirano, uz prijavu kandidatkinje nije dostavljen dokaz o traženom radnom iskustvu na rukovodećim poslovima u trajanju od pet godina u odgovarajućoj oblasti. U vezi s tim, Komisija je utvrdila da kandidatkinja Elvira Husić-Jusić ne ispunjava formalne uslove Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije, o čemu će dopisom obavijestiti kandidatkinju.

Komisija je konstatirala da su ostali kandidati dostavili blagovremene, uredne i potpune prijave na Javni konkurs za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije.

### **Ad.3. Dogovor o daljnjim aktivnostima u vezi s provođenjem konkursne procedure za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije**

Komisija je zaključila da svim kandidatima koji ispunjavaju uslove Javnog konkursa, u skladu s odredbama člana 13. stav (1) Zakona o Agenciji za prevenciju korupcije i koordinaciju borbe protiv korupcije i člana 23. Poslovnika o radu Komisije za izbor i praćenje rada Agencije za prevenciju korupcije i koordinaciju borbe protiv korupcije, u prilogu obavještenja s ove sjednice dostavi i Izjavu po članu 10. d stav (1) tačka a) Zakona o Vijeću ministara BiH i Obrazac po članu 10. d stav (1) tačka b. Zakona o Vijeću ministara BiH. Komisija će od kandidata zahtijevati da kandidati priložene formulare uredno popune, potpišu i u roku od sedam dana dostave Komisiji za izbor i praćenje rada Agencije za prevenciju korupcije i koordinaciju borbe protiv korupcije, kako bi ih Komisija u daljnjoj proceduri mogla proslijediti Državnoj agenciji za istrage i zaštitu (SIPA) i Centralnoj izbornoj komisiji.

### **Ad.4. Tekuća pitanja**

U okviru tekućih pitanja nije bilo rasprave.

Sjednica je okončana u 14 sati.

Sastavni dio ovog zapisnika čini tonski snimak 8. sjednice Komisije.

Sekretar Komisije  
**Jovica Katić**

Predsjedavajuća Komisije  
**Aleksandra Pandurević**

### **Dostavljeno:**

- naslovu
- a/a